

太上上清禳災延壽寶懺

太上曰 若有清信男子 清信女人 年災月厄 疾病纏綿 官府連累 口舌謗讟 誣調闇昧 不能自明 抑滯屯遭 所求乖戾 凡事輒軻 所作不遂 所圖不成 當於自身本命日 甲子日 庚申日 三元日 八節日 逐月三七日 或祖先父母遠忌之日 設三清聖像 以時果香花 幡燈供養 躬自禮誦此懺悔文 或請道士禮誦禳謝 作如是言 懺悔弟子某伏自生居人世 長寓中華 荷天地亭育之恩 處日月照臨之下 或命犯衝破 運屬魁罡 行年所值 天羅地網 暗耀惡星 經纏命位 或起造葬埋 築室動土 或經營制作 遷徙出遊 不避禁方 觸犯神煞 或呼迎聚會 不擇良辰 動作更改 誤當丑日 或破門交易 間謀親朋 或魔障善道 妄解正論 起人怨嗟 被人咒詛 結託權勢 坑陷忠良 倚恃尊強 抑壓卑弱 奪他玩好 不顧仁義 是乃人興怨謗之心 鬼伺災衰之際 滅人福祿 奪人壽齡 遂致釁積幽冥 終為陽報 殃墮九祖 延及子孫 今對 聖前 咸悉懺悔 稽首虔誠 皈命信禮

太上上清禳災延壽寶懺

清微藏書閣

上清普慈護世諸尊聖號

皈命信禮 上清真境天尊
皈命信禮 含弘蘊素天尊
皈命信禮 延壽益算天尊
皈命信禮 消災息難天尊
皈命信禮 惠愛仁慈天尊
皈命信禮 資生化育天尊
皈命信禮 含元融理天尊
皈命信禮 紫府茂德天尊
皈命信禮 沖頤翊贊天尊
皈命信禮 廣施大辨天尊
皈命信禮 通神廣博天尊
皈命信禮 玄機赴感天尊
皈命信禮 妙智圓明天尊
皈命信禮 明真養浩天尊
皈命信禮 玉宸隆宥天尊

皈命信禮 熙皇妙寂天尊
皈命信禮 九真御極天尊
皈命信禮 逍遙八景天尊
皈命信禮 含融萬德天尊
皈命信禮 三皇度世天尊
皈命信禮 垂化顯道天尊
皈命信禮 崇真住世天尊
皈命信禮 玉符金籙天尊
皈命信禮 玉章羽葆天尊
皈命信禮 矚遐衍慶天尊
皈命信禮 消災延壽真人
皈命信禮 宥過賜福真人
弟子某式憑真誥 虔禮上真 懇禱至誠 一心懺悔 某自從無
始已來 或為宰官 或為執事 掌國樞命 申令典刑 橫恣權勢
不務正理 欺公枉法 紊亂紀綱 蔽匿明賢 依附奸黨 上壅天聽
下遏民情 忠告善道 不得通達 苦虐無申 受賄曲刑 恣縱狡

太上上清禳災延壽寶懺

清微藏書閣

吏 損害良善 鬻貴買賤 誅剝細民 虧公損私 不分善惡 濫刑
弛政 不鑒曲直 不察疾苦 不問饑渴 上來往業 當墮地獄 長
劫受苦 苦盡復生 或為餓鬼 或為畜生 往復循環 百千萬劫
報盡復還 生于茲世 以前業故 當受餘殃
資財 合造毒藥 增益病勢 因為卜筮 厭禱鬼神 假託邪鬼 詐取
益己用 上來往業 當墮地獄 長劫受苦 苦盡復生 或為餓鬼
或為畜生 往復循環 百千萬劫 報盡復還 生于茲世 以前業故
尚受餘殃
弟子某自從無始已來 或居市井 專事商賈 興販貿易 全虧
仁義 欺調取利 將粗揉精 飾偽亂真 誤他適用 大秤小斗 種
種百為 惟賄所覲 常懷詐欺 上來往業 當墮地獄 長劫受苦
苦盡復生 或為餓鬼 或為畜生 往復循環 百千萬劫 報盡復還
生于茲世 以前業故 尚受餘殃
弟子某自從無始已來 不識正道 不辨邪真 貪色好財 嫌貧
逐富 奔競名利 不務謙仁 親近囂浮 不奉甘旨 見利忘義 侮

聖慢賢 或對虛空 露身裸體 日月星辰 相對便利 或怒天地
或怨寒暑 或指虹蜺 或唾流星 或設咒誓 或罵鬼神 上來往業
當墮地獄 長劫受苦 苦盡復生 或為餓鬼 或為畜生 往復循
環 百千萬劫 報盡復還 生于茲世 以前業故 尚受餘殃 今對
聖前 咸悉懺悔 皈命信禮
普慈護世諸尊聖號
皈命信禮 妙解脫境天尊
皈命信禮 無量光明天尊
皈命信禮 包容萬類天尊
皈命信禮 攝魔屏穢天尊
皈命信禮 常護持天尊
皈命信禮 德自在天尊
皈命信禮 妙度天尊
皈命信禮 妙化天尊
皈命信禮 無邊樂天尊
皈命信禮 靜樂境天尊

太上上清禳災延壽寶懺

清微藏書閣

皈命信禮 垂德化道天尊
皈命信禮 保道至精天尊
皈命信禮 寶境嚴淨天尊
皈命信禮 紫清妙境天尊
皈命信禮 樂育德天尊
皈命信禮 持正行天尊
皈命信禮 化物天尊
皈命信禮 利物天尊
皈命信禮 德光常曜天尊
皈命信禮 器含萬象天尊
皈命信禮 保扶虛界天尊
皈命信禮 溥濟情類天尊
皈命信禮 大慈大惠真人
皈命信禮 拔苦度厄真人
弟子某式憑真誥 虔禮上真 懇禱至誠 一心懺悔 某自念受
靈微賤 稟性冥頑 仰荷洪休 得親正教 功虧毫髮 過積丘山

今啟下誠 仰投上聖 披肝露膽 謝罪首愆 幸鑒愚誠 少回靈貺
赦千非於既往 允荷慈恩 錫百福於方來 長承道蔭 一門康泰
九祖遷昇 所願諧和 所求稱遂 凡於動靜 實賴生成 某無任
志誠懇禱之至

太上上清禳災延壽寶懺竟

天運壬辰年卯月正一天師清微弟子洪鼎堅羅大英恭錄彙編

趙靈麗複校

太上上清禳災延壽寶懺

清微藏書閣